

ԺԳ-ին Ուրբաթ օր զԵղիազար վարդապետին ուղարկած զՈւստա Պալին տարաք ի Ղուզղուհնճուխն ի պատիւ, որ ուղարկեալ էր զնա թղթիւք վասն էմրի իւր վանիցն շինութեան և Ռ ըստակ տւեալ Մղտեսին նորա՝ թէ ի Վարդապետն հասանի, զի Վարդապետն խնդրեալ էր վասն սրբազրելոյ զԱյսմաուուրն Մղտեսուն, որ ետ յիշատակ Բարձրահայեաց Սուրբ Աստուածածնին, և ուղեորեցաք զնա մեծաւ ուրախութեամբ:

Առաւօտուս Հրմուզի որդոյ Գասպարին կինն մեռաւ, եւ օրս զմեր փուռն աւրինեցաք:

Եւ Բշիս, որ էր ԺԶ ամսոյն, ելեալ նստաք ի նաւ զնալ ի Պուրսա ուղևորել զՀոգևորտէրն՝ Ներսէս վարպապետին Մինասն եւ Տէր Ոսկեանն եւ և Հարազատն իմ:

Դշի (17 Մայիս) երեկոյիս հասաք ի Պուրսա և արք տեղոյն և միաբանք Հոգևորտիրին առեալ տարան զմեզ ի տուն Անտոն Չէլէպուհն, եւ Հոգևորտէրն անդ ոչ էր, այլ ի մեծ տունն զնացեալ էր Անտոնին:

Եւ առաւօտուս Դշի (18 Մայիս) եկն Հոգևորտէրն և ընկալաւ զմեզ մեծաւ պատուով:

Եշիս Համբարձում Տեառն մերոյ Յիսուսի Քրիստոսի, որ ամսոյ ԺԹ էր:

Շաբաթի (21 Մայիս) երեկոյիս նստեալ կայի առ Տէր Պետրոսի որդովն եւ եղբարբն ի տունս նոցա: Քանզի որ մեք գնացաք յերուսաղէմ թվականին ՌՂԷ (= 1648) էր առ Մղտեսին մօրաքուռոյն իմոյ, եւ Տէր Պետրոսն որդովն եւ կնանն անդ էր եւ անդ ծանօթացաք, եւ որ ի նոցա քաղաքն գնացաք այժմ, բազում պատվով ընկալան զմեզ: Բայց Հոգևորտէրն զՀարազատն իմ ոչ թողոյր երթալ յայլ տեղիս, այլ զիս տանէին սօքա ի տունս իւրեանց եւ անդ ննջէի հանապաղ: Եւ օրս ի տեղն նստեալ էի եւ մօլթն առեալ էր զգեալինն եւ խապար եղեւ՝ թէ Դաւիթ եւ